

**ԱՄԵՆԱՅՆ ՆԱՅՈՑ ԿԱԹՈՂԻԿՈՍԸ «Ս. ՆԵՐՍԵՍ ՇՆՈՐՀԱԼԻ»
ՇՔԱՆՇԱՆ ՆԱԽՆԵՅ ՍՈՒՐԵՆ ՍԱՆԱԿՅԱՆԻՆ**

Նունիսի 26-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ծայրագույն Պապրիարք եւ Ամենայն Տայոց Կաթողիկոսը Տայ Առաքելական Եկեղեցու «Ս. Ներսէս Շնորհալի» պարվո բարձր շքանշանով պարգեատրեց պրն Սուրեն Սահակյանին՝ ի գնահատություն Տայոց Եկեղեցուն եւ մասնավորապէս Մայր Աթոռ Սուրբ Էջմիածնին բերած ազնիւ ծառայություններին:

Արարողությունը բացվեց Տ. Պարույր քահանա Ավետիսյանի՝ մեծարյալի վաստակը ներկայացնող խոսքով: Ապա հանդիսավոր կերպով ներս բերվեց Տայրապետական Սրբապառ Կոնդակը, որն ընթերցեց Մայր Աթոռի լուսարարապետ Տ. Արարապ եպիսկոպոս Գալթագճյանը:

«Ճանաչում ենք Ձեզ անձնապէս եւ ծանոթ ենք մեր երկրում շինարարության ասպարեզի զարգացմանը միպլած Ձեր բեղմնավոր, բժախնդիր ու բարեխիղճ գործունեությանը: Այսօր առիթ ունենք անդրադառնալու Առաքելական մեր Սուրբ Եկեղեցուն մատուցած Ձեր ծառայություններին: Ուրախ ենք, որ Ձեր կարողությունները, մասնագիտական փորձն ու հմտությունները Դուք սիրով ի սպաս եք բերում Մայր Աթոռ Սուրբ Էջմիածնի «Շողակաթ» հեռուստաընկերության շենքի հիմնադրոգման ու բարեգարդման աշխատանքներին: Գոհունակություն է Մեզ համար, որ մեր ժողովրդի զավակներն աջակից են մեր Սուրբ Եկեղեցուն՝ շարունակելու բազմադարյա առաքելությունը հանուն հայ ինքնության անխաթար պահպանման, հոգեւոր ու ազգային մեր կյանքի պայծառության, նախնյաց ավանդների հանդեպ հավատարմության գորացման», - ասվում է Տայրապետական Կոնդակում:

Այնուհետեւ Նորին Սրբությունը մեծարյալի կուրծքը զարդարեց «Ս. Ներսէս Շնորհալի» շքանշանով եւ մաղթեց, որ Ամենակալ Տերը շնորհի պրն Սահակյանին եւ նրա ընտանիքի անդամներին կյանքի քաջառողջ ու արեւշող բազում օրեր եւ նրա բոլոր բարի եւ առաքինի ձեռնարկումները պսակի հարանոր հաջողություններով: